



SLUŽBENI GLASNIK OPĆINE ŽIVINICE

GODINA L

18. NOVEMBAR 2014.GODINE

BROJ 16

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKI NAČELNIK

Broj: 01/2-05-89-1391/14

Dana: 16.10.2014.godine

Na osnovu člana 38. Statuta Općine Živinice, Budžeta općine Živinice za 2013.godine („Sl.glasnik Općine Živinice, broj: 7 od 24.04.2014.godine“), člana 21. Odluke o izvršenju Budžeta općine Živinice za 2014.godinu (Sl.glasnik broj: 7 od 24.04.2014.godine), prijedloga Službe za prostorno planiranje i komunalne poslove putem Službe za budžet i finansije o prestrukturiranju budžetskih sredstava broj: Službeno/14 od 15.10.2014.godine, Općinski načelnik donosi

O D L U K U

I

Odobrava se unutrašnje prestrukturiranje budžetskih sredstava u okviru budžetskog korisnika Službe za prostorno planiranje i komunalne poslove, sa planiranih budžetskih pozicija :

- sa Budžetske pozicije "Izgradnja kolektora i prečistača otpadnih voda-rekonstrukcija postojeće kanalizacije i vodovodne mreže", Ekonomski kod 613 724, iznos od 10.000,00 KM prestrukturirati na Budžetsku poziciju "Projekat utopljanja zgrada kolektivnog stanovanja", Ekonomski kod 613 724,

II

Ukupna finansijska sredstva koja se prestrukturiraju u okviru planiranih budžetskih stavki su u iznosu od **10.000,00 KM**, a odnose se na finansiranje projekta "Energetska efikasnost stambenih zgrada za kućanstva sa umanjnim primanjima" kao učešće općine Živinice.

III

Poslije budžetskog prestrukturiranja stanje na pozicijama budžeta biće sledeće:

-Budžetska pozicija "Izgradnja kolektora i prečištača otpadnih voda-rekonstrukcija postojeće kanalizacije i vodovodne mreže",Ekonomski kod 613 724, umjesto planirane pozicije od **10.000,00 KM**, biće **0,00 KM**,

-Budžetska pozicija "Projekat utopljanja zgrada kolektivnog stanovanja",Ekonomski kod 613 724,, umjesto planirane pozicije od **10.000,00 KM**, biće **20.000,00 KM**,

IV

Za realizaciju ove odluke zadužuje se Služba za budžet i finansije Općine Živinice.

V

Odluka stupa na snagu danom donošenja, i ista će biti objavljena u Službenom glasniku općine Živinice.

EG / DK

Dostavljeno:

1x Služba za prost.planiranje i kom.poslove,

1x Služba za budžet i finansije,

1x a/a.

OPĆINSKI NAČELNIK

mr.sci. Hasan Muratović, s.r.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKI NAČELNIK

Broj: 01/2-05-89-1556/14

Dana: 11.11.2014.godine

Na osnovu člana 38. Statuta Općine Živinice, Budžeta općine Živinice za 2013.godine („Sl.glasnik Općine Živinice, broj: 7 od 24.04.2014.godine“), člana 21. Odluke o izvršenju Budžeta općine Živinice za 2014.godinu (Sl.glasnik broj: 7 od 24.04.2014.godine), prijedloga Službe za prostorno planiranje i komunalne poslove putem Službe za budžet i finansije o prestrukturiranju budžetskih sredstava broj: Službeno/14 od 11.11.2014.godine, Općinski načelnik donosi

O D L U K U

I

Odobrava se unutrašnje prestrukturiranje budžetskih sredstava u okviru budžetskog korisnika Službe za prostorno planiranje i komunalne poslove, sa planiranih budžetskih pozicija :

- sa Budžetske pozicije "Rekonstrukcija ulice Meše Selimovića (ulica kraj MŠC)-nastavak", Ekonomski kod 613 724, iznos od 20.000,00 KM prestrukturirati na Budžetsku poziciju "Rekonstrukcija Prve ulice – druga faza", Ekonomski kod 613 724,

II

Ukupna finansijska sredstva koja se prestrukturiraju u okviru planiranih budžetskih stavki su u iznosu od **20.000,00 KM**, a odnose se na finansiranje završetka projekta "Rekonstrukcija Prve ulice – druga faza".

III

Poslije budžetskog prestrukturiranja stanje na pozicijama budžeta biće sledeće:
-Budžetska pozicija "Rekonstrukcija ulice Meše Selimovića (ulica kraj MŠC)-nastavak", Ekonomski kod 613 724, umjesto planirane pozicije od **20.000,00 KM**, biće **0,00 KM**,
-Budžetska pozicija "Rekonstrukcija Prve ulice – druga faza", Ekonomski kod 613 724, umjesto planirane pozicije od **20.000,00 KM**, biće **40.000,00 KM**.

IV

Za realizaciju ove odluke zadužuje se Služba za budžet i finansije Općine Živinice.

V

Odluka stupa na snagu danom donošenja, i ista će biti objavljena u Službenom glasniku općine Živinice.

EG / DK

Dostavljeno:

1x Služba za prost.planiranje i kom.poslove,

1x Služba za budžet i finansije,

1x a/a.

OPĆINSKI NAČELNIK

mr.sci. Hasan Muratović

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKI NAČELNIK
Broj:01/2-05-89-1531/14
Dana, 10.11.2014.godine

Na osnovu člana 15. Zakona o principima lokalne samouprave Federacije BiH („Službene novine FBiH“ broj: 49/06) i člana 38. Statuta Općine Živinice („Službeni glasnik Općine Živinice“ broj:4/12), Općinski načelnik d o n o s i:

ODLUKU

o uspostavljanju Programa postinvesticione podrške ulagačima

Član 1.

(Predmet Odluke)

Ovom Odlukom uspostavlja se Program postinvesticione podrške ulagačima na području Općine Živinice (u daljem tekstu: Program) radi podsticanja direktnih stranih i domaćih ulaganja u općini Živinice, te potpunije koordinacije i saradnje s institucijama kantonalnog, entitetskog i nivoa BiH u oblasti direktnih stranih i domaćih ulaganja, i podsticanja lokalnog ekonomskog razvoja.

Član 2.

(Način realizacije Programa)

U skladu sa članom 1. Odluke, Program se ostvaruje na temelju Saradničke mreže za postinvesticionu podršku investitorima koja uključuje institucije na svim nivoima vlasti u Bosni i Hercegovini (općinski, kantonalni, entitetski i državni nivo), a koju koordinira Agencija za unapređenje stranih investicija u BiH (FIPA).

Služba za lokalni ekonomski razvoj Općine Živinice zadužena je za sprovođenje Programa u Općini Živinice.

Član 3.

(Ciljevi Programa)

Ciljevi Programa su:

Pružanje postinvesticione podrške postojećim stranim i domaćim ulagačima u Općini Živinice radi otklanjanja prepreka s kojima se susreću u svom poslovanju kako bi se potaknuli na dodatno re-investiranje, te podrška stranim i domaćim ulagačima da identifikuju nove prilike za ulaganja;

Redovne posjete stranim i domaćim ulagačima, pružanje podrške stranim i domaćim ulagačima u rješavanju problema u poslovanju;

Podrska stranim firmama u procesu investiranja, a naročito kod prikupljanja dokumentacije u nadležnosti općine i dobijanja dozvola i saglasnosti u nadležnosti općine;
Povezivanje stranih i domaćih ulagača sa lokalnom poslovnom, akademskom, tehničkom i društvenom zajednicom radi integrisanja stranih i domaćih ulagača u lokalnu zajednicu.

Član 4.

(Kordinator Programa)

Za realizaciju Programa, pored subjekata iz člana 2. ove Odluke, nadležan je kordinator Programa.

Koordinatora Programa imenuje načelnik Općine Živinice.

Koordinator Programa realizuje Program u okviru svojih redovnih radnih zadataka i ne prima dodatnu naknadu za svoj rad na Programu.

Član 5.

(Zadaci koordinatora Programa)

Koordinator Programa obavlja sljedeće zadatke:

Priprema plan realizacije i akcioni plan Programa na godišnjem nivou;

Uspostavlja i održava saradnju unutar općine i s institucijama na svim nivoima vlasti radi realizacije Programa;

Ostvaruje ciljeve Programa iz člana 3. Odluke;

Obavlja tehničko-administrativne poslove i mjeri rezultate učinke Programa na godišnjem nivou kroz vođenje investicionih indikatora.

Član 6.

(Provedbeni propisi)

Interne provedbene općinske akte vezane za obavljanje zadataka iz člana 3. ove Odluke, za koje je nadležan Općinski načelnik, donijet će se u roku od 30 dana od dana stupanja na snagu Odluke.

Član 7.

(Stupanje na snagu)

Odluka stupa na snagu danom donošenja i biće objavljena u „Službenom glasniku Općine Živinice“.

OPĆINSKI NAČELNIK

mr.sci. Hasan Muratović, s.r.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE

- Općinski načelnik-

Broj:01/2-05-89-1515/14

Dana, 07.11.2014.godine

Na osnovu člana 15. Zakona o principima lokalne samouprave („Službene novine Federacije Bosne i Hercegovine“, broj 49/06.), člana 38. Statuta Općine Živinice („Službeni glasnik Općine Živinice, broj 4/12), a u vezi sa Zakonom o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije Bosne i Hercegovine“, broj 59/14.), Uredbom o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije Bosne i Hercegovine“, broj 66/14.) i Odluke o utvrđivanju prioriteta u raspodjeli sredstava privrednim subjektima na području Tuzlanskog kantona koji su pretrpjeli štete usljed prirodne nesreće broj: 02/1-14-21842/14 od 23.09.2014. godine i broj: 02/1-14-22387/14 od 30.09.2014. godine, Općinski načelnik, donosi

ODLUKU

o raspisivanju javnog konkursa i kriterijima za raspodjelu sredstava Federalnog Fonda za pomoć nastradalim područjima od prirodne nesreće na teritoriji FBiH prema privrednim subjektima na području općine Živinice koji su pretrpjeli štete usljed prirodne nesreće

Član 1.

Raspisuje se javni konkurs za raspodjelu sredstava iz Federalnog Fonda za pomoć nastradalim područjima od prirodne nesreće na teritoriji Federacije Bosne i Hercegovine prema privrednim subjektima na području općine Živinice, koji su pretrpjeli štetu usljed prirodne nesreće uzrokovane obilnim kišnim padavinama, koji ispunjavaju slijedeće uslove:

1. Da im je od strane nadležne Komisije za procjenu šteta utvrđen nastanak štete prouzrokovane u vrijeme proglašenja stanja prirodne nesreće,
2. Da imaju sjedište poslovanja ili izdvojenu poslovnu jedinicu u općini Živinice, registrovanu najkasnije sa danom proglašenja prirodne nesreće,
3. Da su privredna društva u privatnom vlasništvu ili samostalni privrednici (trgovci, ugostitelji ili obrtnici) registrovana u skladu sa domaćim propisima,
4. Da zapošljavaju maksimalno 3 radnika.

Član 2.

Za raspodjelu sredstava iz prethodnog člana ove Odluke, obezbjeđuju se sredstva Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, na način da su određena novčana sredstva u ukupnom iznosu od 600.000,00 KM (slovima: šestotinahiljada) za potrebe privrednih subjekata s područja Tuzlanskog kantona, a da su ista članom II Odluke o utvrđivanju prioriteta u raspodjeli sredstava privrednim subjektima na području Tuzlanskog kantona koji su pretrpjeli štete usljed prirodne nesreće broj: 02/1-14-21842/14 od 23.09.2014. godine, raspoređena po Općinama kantona, tako da je Općini Živinice određen iznos od **60.000,00 KM** (slovima: šestdeset hiljada KM), pri čemu je pojedinačni iznos bespovratnih sredstava po jednom korisniku 2.000,00 KM (slovima: dvijehiljade KM).

Član 3.

Sredstava za raspodjelu privrednim subjektima za saniranje posljedica prirodne nesreće na području Općine Živinice namjenjena su za:

1. Nabavku mašina i opreme,
2. Popravlak mašina i opreme,
3. Nabavku sirovina i drugog materijala za redovno obavljanje registrovane djelatnosti,

4. Građevinske radove na sanaciji objekata.

Član 4.

Prihvatljivim će se smatrati sljedeći troškovi (vezani za dozvoljenu namjenu utroška sredstava):

1. Troškovi vezani za nabavku mašina, postrojenja i opreme, mjernih i kontrolnih uređaja i instrumenata, dijelova, te računarske opreme i programa koji su sastavni dio mašina i opreme, odnosno proizvodnog sistema,
 2. Troškovi vezani za popravku mašina, postrojenja i opreme, mjernih i kontrolnih uređaja i instrumenata, te računarske opreme namijenjene isključivo za obavljanje poslovne djelatnosti,
 3. Troškovi nabavke obrtnih sredstava i ostali troškovi potrebni za redovno obavljanje registrirane djelatnosti,
 4. Troškovi nabavke građevinskog materijala i građevinskih radova za sanaciju oštećenih objekata.
- Da bi Korisnici ostvarili pravo na raspodjelu sredstava iz člana 1. ove Odluke, troškovi moraju biti evidentirani na zakonom propisani način.

Član 5.

Sredstva će se raspodjeljivati prema sljedećim kriterijima:

1. Broj održanih radnih mjesta – (za svako održano radno mjesto po 20 bodova), maksimalno 60 bodova,
2. Visina procijenjene štete (po 1 bod za procijenjenu štetu do 10.000,00 KM, 2 boda za procijenjenu štetu do 20.000,00 KM, 3 boda za procijenjenu štetu do 30.000,00 KM,(broj bodova se povećanjem procijenjene štete za 10.000,00 KM uvećava za 1 bod) - maksimalno 20 bodova,
3. Mišljenje Komisije o prioritetu odabira – maksimalno 10 bodova.

Dodatne informacije, podaci i dokumentacija u postupku evaluacije pristiglih prijava, mogu biti zahtijevani.

Član 6.

Općinski načelnik će raspisati javni konkurs za raspodjelu sredstava privrednim subjektima na području općine Živinice koji su pretrpjeli štetu usljed prirodne nesreće uzrokovane obilnim kišnim padavinama i iste objaviti u jednom dnevnom listu, na web stranici Općine Živinice, oglasnoj tabli Općine Živinice.

Član 7.

Radi provođenja javnog konkursa, Općinski načelnik će imenovati Komisiju koja ima predsjednika i 2 člana, različitih struka.

Na osnovu pristiglih prijava, Komisija će po potrebi izlaziti na teren, provjeravati navode podnositelja zahtjeva i po službenoj dužnosti pribavlja dokumentaciju od nadležnih organa.

Po okončanju provjere i kompletiranju dokumentacije iz prethodnog stava ovog člana, Komisija vrednuje i boduje prijave o čemu sačinjava zapisnik i rang listu korisnika sa pojedinačnim iznosom novčane pomoći.

Član 8.

Rang listu iz člana 7. stav 3. ove Odluke, Komisija objavljuje na oglasnoj tabli Općine Živinice, web stranici Općine Živinice i dostavlja svim učesnicima javnog konkursa.

Član 9.

Protiv rang liste iz člana 8. ove Odluke svaki učesnik javnog konkursa može podnijeti prigovor Drugostepenoj Komisiji Općinskog vijeća za rješavanje po žalbi u drugostepenom postupku u roku od 3 (tri) dana od prijema Rang liste. Prigovorom se može tražiti preispitivanje provedene procedure u smislu eventualnih propusta u ocjeni prijava korisnika od strane Komisije iz člana 7. ove Odluke.

Član 10.

Drugostepena komisija iz prethodnog člana ove Odluke razmatra prigovore, te utvrđuje njihovu osnovanost.

Ukoliko Drugostepena komisija utvrdi da su prigovori osnovani, izmijenit će rang listu, a ako utvrdi da prigovori nisu osnovani odbit će prigovor kao neosnovan.

O svojoj odluci po prigovoru, Drugostepena komisija obavještava podnosiocima zahtjeva i Općinskom načelniku dostavlja konačnu rang listu s nacrtom odluke o odabiru korisnika i iznosu dodijeljenih sredstava u roku od 7 (sedam) dana od dana isteka roka za prigovor.

Član 11.

Općinski načelnik razmatra nacrt i usvaja Odluku o odabiru korisnika sa iznosom dodijeljenih sredstava. Odluka Općinskog načelnika je konačna i protiv nje se ne može izjaviti žalba ili neki drugi redovni pravni lijek.

Član 12.

Sa korisnicima sredstava i predstavnikom općine Živinice – Općinskim načelnikom, direktor Fonda će potpisati ugovor.

Dobivena sredstva korisnik je dužan iskoristi za utvrđenu namjenu, što će se precizirati ugovorom iz prethodnog stava ovog člana.

Nakon realizacije potpisanih ugovora korisnici sredstava dužni su dostaviti Općini Živinice dokumentaciju o namjenskom utrošku sredstava, kako bi ista bila prosljeđena Vladi Tuzlanskog kantona i Federalnom fondu za pomoć nastradalim područjima od prirodne nesreće na teritoriji Federacije Bosne i Hercegovine.

Član 13.

Isplatu odobrenih novčanih sredstava će vršiti Služba za budžet i finansije, na osnovu ugovora iz prethodnog člana ove Odluke na račune korisnika pomoći.

Član 14.

Kontrolu namjenskog utroška dodijeljenih sredstava iz prethodnog člana ove Odluke, vršit će Služba za lokalni ekonomski razvoj.

Član 15.

Odluka stupa na snagu danom njenog donošenja, a objavit će se u „Službenom glasniku Općine Živinice“.

OPĆINSKI NAČELNIK:

mr sci Hasan Muratović, s. r.

Bosna Hercegovina
Federacija Bosne i Hercegovine
TUZLANSKI KANTON
OPĆINA ŽIVINICE
Općinski načelnik
Broj:01/2-05-89-1516/14
Dana, 07.11.2014.godine

Na osnovu člana 15. Zakona o principima lokalne samouprave (Službene novine Federacije Bosne i Hercegovine, broj 49/06.), člana 38. Statuta Općine Živinice (Službeni glasnik Općine Živinice, broj:4/12), a u vezi sa Zakonom o finansiranju pomoć za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije Bosne i Hercegovine“ broj:59/14.), Uredbom o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom (Službene novine Federacije Bosne i Hercegovine, broj 66/14.), Odluke Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, broj:01-14-10/14 od 04.09. 2014. godine i Odluke Vlade Tuzlanskog kantona o utvrđivanju prioriteta u raspodjeli sredstava za izgradnju stambenih objekata na području Tuzlanskog kantona za potrebe porodica čiji su stambeni objekti uništeni usljed prirodne nesreće broj: 02/1-14-21839/14 od 23.09.2014. godine i broj:02/1-14-22389/14 od 30.09.2014.godine, Općinski načelnik donosi

ODLUKU

o raspisivanju javnog konkursa i kriterijima za raspodjelu sredstava Federalnog fonda za pomoć nastradalim područjima, vlasnicima uništenih stambenih objekata prirodnom nesrećom

Član 1.

Raspisuje se javni konkurs za pomoć jednom vlasniku (pravnom i faktičkom) **uništenog stambenog objekta** na području općine Živinice usljed prirodne nesreće-poplava i klizišta, za namjenu izgradnje uništenog stambenog objekta.

Član 2.

Za dodjelu sredstava iz prethodnog člana ove Odluke, obezbjeđuju se sredstva Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, na način da su članom II Odluke o utvrđivanju kriterija, dodjeli i usmjeravanju sredstava nastradalim područjima Upravnog odbora Federalnog fonda za pomoć nastradalim područjima od prirodne nesreće, broj:01-14-10/14 od 04.09.2014. godine, raspoređena Tuzlanskom kantonu novčana sredstva u ukupnom iznosu od 1.000.000,00 KM (slovima: million konvertibilnih maraka) za izgradnju stambenih objekata za potrebe porodica čiji su stambeni objekti uništeni za vrijeme prirodne nesreće.

Odlukom Vlade Tuzlanskog kantona o utvrđivanju prioriteta u raspodjeli sredstava za izgradnju stambenih objekata na području Tuzlanskog kantona za potrebe porodica čiji su stambeni objekti uništeni usljed prirodne nesreće broj:02/1-14-21839/14 od 23.09.2014. godine i broj:02/1-14-22389/14 od 30.09.2014.godine, raspoređena su po općinama Tuzlanskog kantona sredstva namijenjena za izgradnju stambenih objekata za porodice čiji su stambeni objekti uništeni usljed prirodne nesreće, tako da je Općini Živinice dodijeljen iznos od 35.700,00 KM (slovima: tridesetpet hiljada sedamstotina KM) za ukupno 1 (jedan) uništeni stambeni objekat.

Član 3.

Pravo na učešće po osnovu javnog konkursa iz člana 1. ove Odluke, imaju lica, koja su na dan proglašenja prirodne nesreće (14.05.2014.godine):

1.imali državljanstvo BIH i imovinu na području općine Živinice,

2.da su u vrijeme nesreće bili vlasnici(pravni ili faktički) stambenog objekta zahvaćenog prirodnom nesrećom,

3.da im je od strane nadležne komisije za procjenu šteta utvrđeno da je stambeni objekat iz tačke 2. ovog stava uništen usljed prirodne nesreće i da se ne može koristiti za stanovanje.

Pod stambenim objektom u smislu ove Odluke podrazumijeva se objekat namijenjen za stanovanje i koji je uništen prirodnom nesrećom i u kojem su vlasnik objekta i članovi njegovog porodičnog domaćinstva imali mjesto prebivališta.

Pravo na novčanu pomoć iz prethodnog člana Odluke može ostvariti samo jedan član porodičnog domaćinstva vlasnika uništenog stambenog objekta.

Ako objekat ima više suvlasnika i više domaćinstava, pravo na pomoć po odredbama ove Odluke može ostvariti samo jedan od suvlasnika uništenog stambenog objekta.

Član 4.

Pored uslova iz člana 3. ove Odluke, prioritet u odabiru korisnika za dodjelu sredstava u skladu sa ovom Odlukom utvrđuje se na način da se vlasnici (faktički ili pravni) **uništenih** stambenih objekata boduju po slijedećim kriterijima:

1.posjedovanje urbanističke saglasnosti/građevinske dozvole:

-posjedovanje naknadne urbanističke saglasnosti u postupku legalizacije bespravno izgrađenih objekata.....10 bodova i

-posjedovanje građevinske dozvole12 bodova.

2.korisnici stalne novčane pomoći.....20 bodova / po domaćinstvu;

3.osobe u stanju socijalne potrebe:

a) 4 i više nezaposlenih punoljetnih članova domaćinstva 20 bodova;

b) 3 nezaposlena punoljetna člana domaćinstva15 bodova;

c) 2 nezaposlena punoljetna člana domaćinstva10 bodova;

d) 1 nezaposlen punoljetni član domaćinstva 5 bodova.

4.broj članova porodičnog domaćinstva:

a) jedan član domaćinstva..... 1 bod;

b) dva člana domaćinstva..... 3 boda;

c) tri člana domaćinstva..... 5 bodova;

d) četiri člana domaćinstva..... 7 bodova i

e) pet i više članova domaćinstva..... 10 bodova.

5. pripadnost boračkim kategorijama u skladu sa članom 25. Zakona o dopunskim pravima branitelja i članova njihovih porodica (Službene novine Tuzlanskog kantona broj: 05/12, prečišćeni tekst i 05/14):

- dijete šehida, poginulog , umrlog nestalog branitelja bez oba roditelja i ratni vojni invalid sa oštećenjem organizma od 100% I grupe10 bodova

-porodično domaćinstvo sa dva i više šehida, poginulih, umrlih, nestalih branitelja i ratni vojni invalid sa oštećenjem organizma od 100% II grupe9 bodova

-dobitnik ratnog priznanja i odlikovanja u okviru kategorije u kojoj se pojavljuje kao podnosilac zahtjeva.....8 bodova

-porodično domaćinstvo šehida, poginulog, umrlog, nestalog branitelja i ratni vojni invalid sa oštećenjem organizma od 90%, 80% i 70%7 bodova

- član užeg porodičnog domaćinstva poginulog, umrlog i nestalog dobitnika ratnog priznanja ili odlikovanja,6 bodova

-ostali ratni vojni invalidi prema procentu invalidnosti (do 60% invaliditeta),.....5 bodova

- demobilisani branioci,4 boda
-članovi užeg porodičnog domaćinstva umrlog ratnog i mirnodopskog vojnog invalida, umrlog dobitnika ratnog priznanja i odlikovanja, umrlog demobilisanog branitelja,.....3 boda.

Pod članom užeg porodičnog domaćinstva iz tačke 5. ovog člana smatraju se roditelji, bračni drug i djeca do navršenih 25 godina života, ako se nalaze na redovnom školovanju, kao i braća i sestre, koji su proglašeni nesposobnim za privređivanje.

6.mišljenje komisije o prioritetu odabira.....10 bodova.

Član 5.

Javni Konkurs se objavljuje u jednom dnevnom listu, na web stranici Općine Živinice, oglasnoj tabli Općine Živinice i u drugim sredstvima javnog informisanja po potrebi.

Tekst javnog konkursa sadrži:

- 1.predmet javnog konkursa;
- 2.korisnike sredstava, koji imaju pravo na podnošenje prijave;
- 3.uslove iz Odluke, koje podnosioci prijave moraju ispunjavati;
- 4.popis dokumenata koje je potrebno priložiti uz prijavu;
- 5.osnovne kriterije odabira,
- 6.mjesto i rok za dostavu prijave;
- 7.rok za donošenje odluke o odabiru, koji ne može biti duži od 15 dana od dana zatvaranja javnog konkursa.

Član 6.

Radi provođenja javnog konkursa, Općinski načelnik će formirati petočlanu komisiju, sastavljenu od članova različitih struka.

Na osnovu prijave, komisija po potrebi izlazi na teren, provjerava navode podnosioca zahtjeva, po potrebi sasluša predsjednika savjeta mjesne zajednice o činjenicama vezanim za zahtjev korisnika i po službenoj dužnosti pribavlja dokumentaciju od nadležnih organa.

Po okončanju provjere i kompletiranju dokumentacije iz predhodnog stava ovog člana, Komisija vrednuje i boduje prijave o čemu sačinjava zapisnik i rang listu korisnika sa prioritetima u odabiru korisnika.

Član 7.

Dokumentacija, koja se prilaže uz prijavu na javni konkurs je slijedeća:

- 1.dokaz o državljanstvu (uvjerenje o državljanstvu);
- 2.dokaz o vlasništvu (pravnom ili faktičkom) na uništenom stambenom objektu na području općine Živinice na dan proglašenja stanja prirodne nesreće (zk.izvod, izvod iz posjedovnog lista ili drugi dokumenat koji može poslužiti kao dokaz o vlasništvu);
- 3.kopija zapisnika Općinske komisije za procjenu šteta o pričinjenoj šteti u iznosu od 100% na stambenom objektu podnosioca zahtjeva, odnosno u kojem je navedeno da je objekat potpuno uništen;
- 4.naknadna urbanistička saglasnosti u postupku legalizacije bespravno izgrađenih objekata ili građevinska dozvola za objekte koji posjeduju navedenu dokumentaciju.
- 5.ovjerenu izjavu pod krivičnom i materijalnom odgovornošću da su podnosilac zahtjeva i članovi porodičnog domaćinstva imali mjesto prebivališta u uništenom stambenom objektu na dan 14.05.2014. godine;
- 6.ovjerena kućna lista;
7. uvjerenje JU Centar za socijalni rad (za korisnike stalne novčane pomoći);
8. uvjerenje o statusu nezaposlenosti za sve punoljetne članove domaćinstva, izdato od strane Biroa za zapošljavanje;

9. uvjerenje o pripadnosti boračkim kategorijama izdato od strane nadležne općinske službe za boračko-invalidsku zaštitu ili Odjeljenja odbrane općine Živinice;

10. potvrda općinske službe civilne zaštite o uništenom stambenom objektu u stanju prirodne nesreće

11. uredno popunjen zahtjev na prijavnim obrascu.

Dokaz iz tačke 3., 7., 9. i 10. ovog člana će komisija pribaviti po službenoj dužnosti, osim za dokaze koji se odnose na evidencije Odjeljenja odbrane općine Živinice, koje će podnosioci, zajedno sa drugim dokumentima koji se ne pribavljaju po službenoj dužnosti, sami pribaviti i dostaviti .

U slučaju sumnje o ispunjavanju uvjeta iz tačke 5. prethodnog stava ovog člana, od nadležnog organa uprave za vođenje evidencije o prebivalištu, provjerit će se izjava iz tačke 5. prethodnog stava ovog člana ili provjera izvršiti na drugi pogodan način.

Član 8.

Rang lista iz člana 6. stav 3. ove Odluke, dostavlja se učesnicima javnog konkursa i objavljuje na Oglasnoj tabli Općine Živinice i na internet stranici Općine Živinice.

Član 9.

Protiv rang liste iz člana 8. ove Odluke svaki učesnik javnog konkursa može podnijeti prigovor Komisiji Općinskog vijeća za rješavanje po žalbi u drugostepenom postupku u roku od 3 (tri) dana od prijema Rang liste iz člana 8. ove Odluke.

Prigovorom se može tražiti preispitivanje provedene procedure u smislu eventualnih propusta u ocjeni prijava korisnika od strane Komisije iz člana 8. ove Odluke.

Član 10.

Drugospetena komisija iz prethodnog člana ovog Pravilnika razmatra prigovore, te utvrđuje njihovu osnovanost.

Ukoliko Drugostepena komisija utvrdi da su prigovori osnovani, izmijenit će rang listu, a ako utvrdi da prigovori nisu osnovani odbit će prigovor kao neosnovan.

O svojoj odluci po prigovoru, Drugostepena komisija obavještava podnosiocima zahtjeva i Općinskom načelniku dostavlja konačnu rang listu s nacrtom odluke o odabiru korisnika i iznosu dodijeljenih sredstava u roku od 3 (tri) dana od dana isteka roka za prigovor.

Član 11.

Općinski načelnik razmatra nacrt i usvaja Odluku o odabiru korisnika sa iznosom dodijeljenih sredstava.

Odluka Općinskog načelnika je konačna i protiv nje se ne može izjaviti žalba ili neki drugi redovni pravni lijek.

Član 12.

Sa korisnikom sredstava i predstavnikom općine Živinice-Općinskim načelnikom, direktor Fonda će potpisati ugovor.

Dobivena sredstva korisnik je dužan iskoristiti za namjenu plaćanja nabavke građevinskog materijala i troškove izgradnje objekta, što će se precizirati ugovorom iz prethodnog stava ovog člana.

Nakon realizacije potpisanih ugovora korisnik sredstava dužan je dostaviti Općini Živinice dokumentaciju o namjenskom utrošku sredstava, kako bi ista bila prosljeđena Vladi Tuzlanskog kantona i Federalnom fondu za pomoć nastradalim područjima od prirodne nesreće na teritoriji Federacije Bosne i Hercegovine.

Član 13.

Isplatu odobrenih novčanih sredstava će vršiti Služba za budžet i finansije, na osnovu ugovora iz prethodnog člana ove Odluke na račune korisnika pomoći.

Član 14.

Kontrolu namjenskog utroška dodijeljenih sredstava iz prethodnog člana ove Odluke, vršit će Služba civilne zaštite.

Član 15.

Odluka stupa na snagu danom njenog donošenja, a objavit će se u „Službenom glasniku Općine Živinice“.

Općinski načelnik
mr. sci Hasan Muratović,s.r.

„Službeni glasnik Općine Živinice“
broj: 16/2014

SADRŽAJ

I – AKTI OPĆINSKOG NAČELNIKA

1. Odluka o prestrukturiranju budžetskih sredstava br. 01/2-05-89-1556/14.....1
2. Odluka o prestrukturiranju budžetskih sredstava br. 01/2-05-89-1391/14.....3
3. Odluka o uspostavljanju Programa postinvesticione podrške ulagačima.....5
4. Odluka o raspisivanju javnog konkursa i kriterijima za raspodjelu sredstava Federalnog Fonda za pomoć nastradalim područjima od prirodne nesreće na teritoriji F BiH prema privrednim subjektima na području općine Živinice koji su pretrpjeli štete usljed prirodne nesreće.....7
5. Odluka o raspisivanju javnog konkursa i kriterijima za raspodjelu sredstava Federalnog fonda za pomoć nastradalim područjima, vlasnicima uništenih stambenih objekata prirodnom nesrećom.....10

«Službeni glasnik Općine Živinice» uređuje: Stručna Služba općinskog vijeća Živinice
Odgovorni urednik i lektori: Suad Avdagić, Nermina Mahmutbegović i Mersiha Zahirović
Tehnička priprema i štampa: Služba za opću upravu i društvene djelatnosti
Kontakt informacije: 035/743-394, ovijece@opcinazivinice.org
